



宛陵先生集目錄卷第三十七

與二弟過溪

晚坐北軒

與諸弟訪廣教

至廣教尋古石盆寺

題王介夫蒙亭

亢陽和欲行舟者

黃鶯

送懷賢上人

送瑞竹長老

鶯

守宮

夏園

孔子廟震

寄酬晏殿丞

答李仲求寄茶

送闕令之潭州

乾明院碧鮮亭

得餘干李尉書

南軒盆植蓮

朝天行

會勝院沃洲亭

江南雜感

和達觀山中見寄

送萬諤昌秀才

訪石子澗外兄林亭

和瑞式上人十詠

得晏相公書

訪施八評事

贈陳逸秀才

題陳宰戲綵亭

永慶松風亭

寄松林長老

題松林院

永州王守寄亭記

呈潘樂二君

過永慶院

廖宣城寄酒

翠竹亭

彩霓亭

留別樂和之

松風亭

雪中懷真上人

別施八評事

春日拜壠

昭亭祠喜雨

若訥上人彈琴

發昭亭

乘舟訪聰上人

過鴈洲

別達觀文鑑

和文鑑贈別

目錄終

宛陵先生集卷第三十七

宋宛陵梅堯臣聖俞著

與二弟過溪至廣教蘭若

溪水今尚淺涉馬不及韉岸口出近郭野徑通
平田行行渡小橋泱泱響細泉萬木陰古殿一
燈明象筵長廊顏頽碑字體家法傳空堂裴相
真白髯垂過咽名跡兩不滅豈獨畫與鑄高僧
鑿崖腹建閣將雲連祕此龍鸞迹足使臣僕虔
脩竹間長松森衛若被堅是必神物護禹穴空

歲年飯訖過山後井傍攜茗煎探幽偶轉谷忽
視昭亭巔蔓草不識名步側時得牽幽禽聲各
異可辨唯杜鵑似驚俗客來聒聒兩耳邊弊廬
隔城堞畏暮遽言還道逢張羅歸鳥媒兼死懸
遂同山梁雉令我復喟然聊追一日事書以爲
短篇

晚坐北軒望昭亭山

少客兩京間熟遊嵩與華歸來宛溪上馱往昭
亭下何以厭昭亭衰遲倦驅駕况復慙詠歌嘉
辭前有謝咀嚼在人口甘美如食蔗方同陶淵
明苦語近田舍節行固不變出處亦多怕常防
惡少年豪橫使出跨譬如故將軍尚被亭長罵
不若守弊廬讀書至中夜

與諸弟及李少府訪廣教文鑒師

山僧邀我輩置酒比陶潛紫蕨老堪食青梅酸
不嫌野蜂時入座巖鳥或窺簷薄暮未能去前
溪月似鎌

至廣教因尋古石盆寺

古寺近田家山尋石盆差化蟲懸縊女啼護響
 縑車僧坐樹間石馬行溪畔沙野香無處辨歸
 路傍城斜郡人不知古石盆寺在此山之傍舊
 基存焉山中有井相去可二里豈圖
 經所傳裴休井歟近城有石盆寺其側亦云裴
 相井者恐非是何則杜牧有石盆山詩是寺因
 山名也從近城莫究其由
 呼盃為盆必風俗訛也

觀王介夫蒙亭記因記題蒙亭

吾年將五十尚未暇讀易一聞蒙亭說乃見適
 所適維時明進退豈不在泉石野服製升越山
 庖盛雞蹠床頭龍唇琴案上科斗籍風物稍佳
 時把酒會三益况以兄為郎仕也人豈迫重之
 愛之深自匪逢時客

亢陽和欲行舟者

春秋書閔雨乃見先生制有意在黎民山川無
 不祭今者望雲霓青天絕纖翳為壇割舒鴈盤
 血陳水汭于時頗精虔莫爵必親澆向夕有微
 陰掃然還復霽吾聞先儒言陽驕不能閉此時
 繫穹旻已力安所詣宣王雲漢詩曾不鑒上帝
 恨無慕盪舟空自思躍蜈

黃鶯

內家初上翠微宮，樹裏窺人在半空。
笑語漸高無約束，侍臣偷望向雲中。

西鄰少年今出遊，東家女兒未識羞。
門前烏白葉已暗，日暮問誰墻上頭。

送懷賢上人歸隱靜兼寄達觀禪師

適從山中來，復向山中去。
爲報山中人，莫厭山中住。
近城塵土多，亂爾煙霞趣。
野蜂銜漆汁，尚欲爲蒂固。
息此可以安，其能忘我論。

送瑞竹長老歸當塗因寄徐著作

謝傳青山路，春來蔓草生。
樵蘇猶不入，瓶錫莫能行。
朝上野船去，宿逢溪雨鳴。
多應見康樂，曾

重遠公名

和師承嗣達觀觀徐君頗稱之

鶯

桑間小婦好聲音，映葉穿枝意已深。
盡日呼郎郎不應，蕭蕭風雨到前林。

守宮

嘗聞漢武帝，偶問東方朔。
臣擬作龍呼，慙無頭

上角

夏園

夏園甘果熟日覺樹林稀休笑道傍李無人摘
自肥

孔子廟震 宣城

霹靂下虛殿破楹非夢凶昔嘗瞻畫衮今實見
升龍隱隱雷聲散踈踈霧氣從予知仲尼廟不
是蓄乖慵

寄酬睦州晏殿丞

渚潭吐明月杳杳及吾廬流彩滿懷袖託情非
烏魚朝因南澗雨暮入北畦鋤豈不藉餘潤况
茲方飡蔬

李仲求寄建溪洪井茶七品云愈少愈
佳未知嘗何如耳因條而答之

忽有西山使始遺七品茶末品無水暈六品無
沉粗五品散雲脚四品浮粟花三品若瓊乳二
品罕所加絕品不可議其香焉等差一日嘗一
甌六腑無昏邪夜枕不得寐月樹聞啼鴉憂來

唯覺衰可驗唯齒牙動搖有三四妨咀連左車
髮亦足驚踈踈點霜華乃思平生遊但恨江
路賒安得一見之煮泉相與誇

送闕令之潭州寧鄉

秋風逆水急挂席飛鳥輕三江去雖遠一日行
幾程朝辭洞庭岸暮抵巴陵城長沙古建國地
狹賦薄征邑宰愛民者選薦豈非精既曰處民
上固當知民情民居篁竹間山獠相雜并教道
苟未至毫髮心起爭太剛易斷折太柔難撐撐
貴在得中道於焉無近名聞多不祥烏似鴉何
足驚遠方此為常慎勿心屏營賈誼度湘水為
文弔屈平因君寄盃酒為我酌賈生

軋明院碧鮮亭

壞衣削髮遠塵垢虵祖龍孫生屋後不等渭川
千戶侯尺椽片瓦何嘗有方丈東頭一畝餘中
軒四面無窓牖青瓊作枝鈿為葉丹鳳未食蒼
鼠走細籐織榻白晝眠寢濃鼻息如雷吼世間
百事不歷心門外寒流徹溪口

得餘干李尉書錄示唐人于越亭詩因
以寄題

餘水之干越之鄙築基相對琵琶尾琵琶日日
有秋聲鴈過洞庭風入葦南斗戛湖波不起長
刀剡峰碧耳耳姱娥夜出在寒溪青銅瑩磨光
幾里朝因吳客幅蒲輕滿紙如蠶書可喜

南軒盆植重臺蓮移種池

彤雲赤霧生緒房朝霞變藥朱粉光白玉入泥
不滿盜羽蓋衰露明月璫濁水一石亂畫甃鑿

池五丈如斗方萍根科斗得自在荷芰明年出
水央

朝天行

大車高蓋徐方來天子雙目延英開犀靴踏玉
陛東陛從臣賜對論宮市諫官御史如指排捧
土未能障濁水大夫言幹天關廻黃門白望顏
色死始時暴奪何縱橫有貨晝日不敢行他時
五方蚩當酒誰道張郎臨井口

會勝院沃洲亭

前溪夾洲後溪澗風吹細浪龍鱗活孤亭一入
野氣深松上藤蘿籬上葛葛花葛蔓無斷時女
蘿莫翦連古枝當年吾叔讀書處夜夜濕螢來
復去

江南雜感

樹頭巧婦棲樹下秋蟲織壞衣游子心千里嘗
相憶蕩子脚出門便作浮萍根憂來憑五北拜
樹賽黃豚

依韻和達觀師山中見寄

獷豕在塗龍在澤豺狼食肉麝食栢蹄毛與角
不對齒啄觜兩足副以翮既能閑閑住深谷豈
使于于佩鳴玉水邊看虹山雨霽夜與明月歸
獨宿門前重嶺後羣峰石樓朱殿藏林中銅絲
繫轉轆轤響絡緯秋老喙西風榮利淡薄無易
此彼飲甘醲茲飲水暫將分別向喉舌何異聲
色亂眼耳孔孟久歿言可師千古布散葉與枝
今來閉戶自有趣世上法法非我爲

送萬諤昌秀才

志士不戀家安能坐咬咀
儒冠難徒行馬骨瘦
可數後僕隔山陂前林
遇風雨寒村夜宿時寂
默誰對語

訪石子澗外兄林亭

前日秋水漲昨日秋水落
偶來尋隱居曾不垂
宿諾竹底除舊徑藤蔓繫
新約馬留岸傍樹風
掃林下籜既能置魯酒
又復餉楚餽誰知北南
澗照影似清洛平生愛幽
曠歛迹誠非錯

和端式上人十詠

幽谷泉

幽谷有飛泉入溪知幾里
跳珠濺木葉激雨霏
巖趾但無箕穎人曾不吝
洗耳

古木陰

古木少直枝其下多曲影
豈不愛高陰柰此性
所秉千重葉蒼翠誰願
憇日末

寒溪石

翠聳寒溪上半隱寒松下
水鳥立稜角淵魚游
穴罅尋常置庭構瑣細不
知價

孤汀蘋

瀟湘歸去人正值江南春始願逢拾羽今乃見
採蘋寄語柳使君莫恨日已曛

雲際鐘

煙昏青櫟道風急隔溪鐘征馬未及息猛虎前
有蹤尋聲欲投宿僮僕畏所逢

垂崖鞭

崖竹出石壁根瘦懸青虵磔髯露老節斫骨點
寒花少年莫翦去騎殺白鼻騮

天外峰

天外一尺峰國中千仞嶽重雲不掩蔽萬里見
頭角世人看遠碧誰識產美璞

秋原菊

不爲潭上英不助籬邊醉獨占蘭杞隣原頭自
榮悴陶令與太鑿逢人豈無意

漁舟火

蘆洲一點明知有漁人泊江溟杳不分誰方在
高閣是時孤鴈去應認光中落

春溪水

春水冰欲開傍岸已微釋魚寒未動鱗獸渡時
有跡篙師畏割舟敲拉碎圭璧

十月二十一日得許昌晏相公書

哀憂向二年朋戚誰與書敢意大丞相尺題傳
義廬從來鳳凰鳴不馱寒竹踈茂林多翔鳥要
路盛高車窮巷一如此江深無鯉魚

訪施八評事

施兄今七十近郭隱茅廬懶問齊民術喜看莊

叟書竹間鳴澗水原際見村墟識盡窮通理超
然樂有餘

贈陳無逸秀才

良犬不取鼠其人苦尤之近識固未辨善相义
能知在鹿忘守穴挫足乃焉而士有志功名局
縮秉書詩憔悴未得展磬折忽言卑舉酒一以
贈願無羞爾爲

題陳宰戲綵亭

仕宦固已美及親此其難况慕五綵戲而奉興

居安翁喜君亦喜翁餐君亦餐嗷嗷園中禽口
哺心違九邑大歲幸稔衆賴仁政寬還思彼赤
子如恐君不歡

永慶僧舍松風亭

誰按黃金徽滿指清風度但聽松上聲不知松
間趣野僧何所樂樂此數株樹寧邀俗客來草
綠澗西路

寄松林長老

大松五丈百歲餘小松五尺前時種俱有堅完
不朽心莫以今輕古爲重東溪一片寒玉光夜
挂高枝何所用

題松林院

靜邃無塵地青熒續焰燈木魚傳飯鼓山衲見
歸僧野色寒多霧溪痕夜閣冰吾非謝康樂獨
往亦何能

永州守王公慥寄九巖亭記云此地疑
是柳子厚所說萬石亭也因爲二百言
以答願當留詠

天地磨今古賢愚爲埃塵草樹易變敗山川無
故新眷言零陵守白髮駕朱輪閒來問遺老俯
跡哀昔人昔人者誰歟元和前放臣下上窮幽
荒憔悴楚水濱試觀當此記圖寫未必真最苦
來黃溪坐石數游鱗有鳥大如鵠東向立不跋
始買鈷鉬潭鄩杜難計縉冉溪袁家洞亂石多
磷磷深里與沸白若盡無窮津石渠連巖泓菖
蒲被其根窮勝得其詭衆美誰齊均西澗石爲
底豈無芹與蘋澗崖如堂席澗響如龍唇折竹
掃陳葉羅榻同衆賓其言粲星斗百歲猶比晨
萬石乃淺近尚可資覆巾而况前所說但恐煩
鑄珉

潘樂二君對雪寄聲似欲予賦適方知
之走筆奉呈

南方今見雪北客定思家任凍不欺酒競春先
著花樓高休歇上山近未應遮誰問窮居日西
窻壓竹斜

過永慶院

荒涼舊蘭若古屋兩三重庭下已無栢澗邊唯
有松石堦生薜荔香座缺芙蓉化俗似禪衲破
來縫不縫

雪中廖宣城寄酒

輕舟泛泛昭亭灣春雪漫漫昭亭山寒沙曲渚
杳不辨素鷗翔鷺空中還宣城太守閔窮旅雙
壺貯醞兵吏頒任從六花塞船戶滿酌春色生
衰顏醒時但愛雲水好醉後等與天地閑世間
取樂各有分何必舞娥高髻鬟

翠竹亭

種竹幾千箇結亭三四椽遊人多寂靜啼鳥亦
留連酒有陶公愛林希阮氏賢我來歸路遠躍
馬古城邊

彩霓亭

高出嶺頭樹俯窺城下溪半山飛急雨舉手弄
晴霓曠望已無極萬緣都與齊自嗟來獨晚征
棹苦言西

留別樂和之

雪消潭水綠輕舸下灘時漸轉青山去還將故
國辭野林看欲動江燕欲逢遲君語隨州體余
慙晚始知

松風亭

冉冉竹連澗森森松蔭崖始聞清吹度似欲綠
琴諧莫識主人意休論高士懷春城百花發薜
荔上陰階

雪中懷廣教真人

蒼山去不遠日日起寒雲堂上看飛雪水邊思

練裙銅餅生薄凍桂火壓殘薰欲往有餘興林
幽路不分

下赤山嶺過渡至石子澗別施八評事
三歲守廬次兩迴來澗邊臨塘愛魚樂近竹見
人賢今我西歸日逢君小隱年重將車馬去驚
起野鷗眠

春日拜壠經田家

田家春作日日近丹杏破類場圃頭南嶺禽過
北嶺叫高田水入低田流桑牙將綻霧露裛蠶

子未浴箱篚收今我還朝固不遠紫宸已夢瞻
珠旒

將行賽昭亭祠喜雨

未生潭上雲空望山中雨湛湛陳桂樽坎坎奏
鼙鼓蕭蕭靈風來蹲蹲祝郎舞莫言春作遲但
念寒灘阻何當發泉源綠水浸沙渚不與農者
期自將舟人語定作榜歌行暮投丹湖浦瞻祠
草樹失認嶺煙霞吐平吞東南吳遠帶西北楚
川澤見坡陀龍蛇蹙鱗管人經輿寤歎事往成
前古考碑何驗今塗馬立空廡余知骨相貧豈
敢望冥許願乘溪流深滂沛隨徹俎

若訥上人彈琴

祥哀已踰月遇子彈鳴琴安得不成聲子心異
吾心十日成笙歌尼父非好音先王禮有節不
可過於今莫作風入松懷壠情未任一聞流水
曲歸思在溪陰此焉吾所樂目極送歸禽

發昭亭

二月十三日

春泥深一尺車馬重重跡親舊各還城山川空

向夕今朝水平岸不畏舟礙磧始隨湍漲發已
入青蒼壁落日未逢人孤村望來客泱泱漫田
流青青被壟麥欲霽鳩亂鳴將耕杏先白我無
農畝懃千里事行役寄謝昭亭神果不吝深澤
乘小舟訪松山法聰上人
我從溪口來正值山前雨濕衣逢梵宮有僧善
吳語天寒蜜已空軒靜竹可數歸楫難久留汀
鷗自飛舞

鴈過洲

六言

船從鴈洲北去鴈背春風亦歸但見平沙綠水
藜蒿荻筍方肥

別達觀文鑒二大士

雲衲山中來畫橈江上發何日到山中山花應
未歇

依韻和文鑒師贈別

來見寒沙鳥長隨上下波乃知游宦跡不似施
松蘿子語馬喻馬吾吟柯伐柯清江挂帆去柰
憶故山何

宛陵先生集卷第三十七

宛陵先生集卷錄卷第三十八

贈袁大監

和達觀贈別

蕪湖阻風

和達觀文鑒見懷

讀月石屏詩

自此皇祐五年五月至京後

暴雨

和宋中道喜至

齊國公主挽詞

招隱堂寄樂郎中

貸米於如晦

送渭州劉太保

送張洞晏相辟

送張著作宰蘄水

和瘦盆

太廟致齋答韓舍人

送張著作宰上元

劉原甫觀相國寺

和裴如晦秋懷

送張寺丞青幕

送徐秘校廬州監酒

子華江南安撫

周仲章潤州倅

弟著作宰南陵

和鄰幾有菊無酒

五知堂

贈陳孝子庸

和原甫過相國寺淨土院

李端明席上花燭

送李祠部滑州

送王正仲長官

解後木芙蓉

傷驥

陳丞相燕息園

和普上人古琴

和胡舍人見唁

題三教圓通堂

設膾示坐客

杜挺之新得和州

鄰幾邀食餽飽

幽廟

十月十八日

送鄞宰王殿丞

金陵與張傳師飲

阻風寄刁安國

阻風秦淮

江上遇雷雨

登瓜步山

目錄終

宛陵先生集卷第三十八

宋宛陵梅堯臣聖俞著

贈袁大監

人以祿為榮當知身所重祿榮身且勞豈要權
衡用達人唯止足曷顧百鐘俸今朝西山歸芝
木不須種莊生逸老言此必久已誦矩法况自
持推年心可縱

依韻和達觀禪師贈別

平生少壯日百事牽於情今年輒五十所向唯

直誠既不慕富貴亦不防巧傾寧爲目前利寧
愛身後名文史玩朝夕操行蹈賢英下不以傲
接上不以意迎衆人欣立異此心常自平譬如
先後花結實秋共成趙壹雖空囊鄭子豈其卿
二人貧且隱高譽動天京我蹟固尚賤我道未
嘗輕力遵仁義塗曷畏萬里程安能苟榮祿擾
擾復營營近因喪已除偶得存餘生強欲活妻
子勉焉事徂征徂征江浦上鷗鳥莫相驚

蕪湖阻風

春風任惡花自笑白浪不愁頭已白戢戢大船
江浦邊崑崙五兩誰非客

依韻和達觀文鑒雨中見懷

出浦候波平石尤風未止密雨長蒲牙輕泥隨
燕子寒侵遠客衣岸起新痕水各各欲還山還
山能幾里

讀月石屏詩

自此起皇祐三年五月至京後

余觀二人作詩論月石月在天上石在山下安
得石上有月蹟至矣歐陽公知不可詰不竟述

欲使來者默自釋蘇子苦豪邁何用強引犀角
蚌蛤巧擗析犀蛤動活有情想石無情想已非
的吾謂此石之蹟雖似月不能行天成紀曆曾
無纖毫光不若燈照夕徒爲頑璞一片圓溫潤
又不似圭璧乃有桂樹獨扶踈常娥玉兔了莫
覓無此等物豈可靈祗以爲屏安足惜吾嗟才
薄不復詠略評二詩庶有益

暴雨

雲薄風回雨點麤日腥土氣隨吸呼蒸然襲汗
猶揮珠屋瓦裂響波生渠森森斗覺涼侵膚毛
根癩瘡粟匝軀已知燠寒變湏臾雷電不止投
笑壺槐端涌影日向晡馬蹄莫惜行泥塗

和宋中道喜至次用其韻

予從江南來見子東涌榛問子何不治子兄游
洛瀕子素樂文字而復養慈親去年始陞朝差
差陪縉紳今也與吾肩行立笑語頻未經鬢髮
改喜預班綴新思如曩時會浩飲不計巡往謁
持約史文辭媿彬彬謂將一乘粟欲敵千箱困

然而澤中蛇時得龍一鱗况復周孔教幸逢舜
禹辰又究志所之茲學豈不臻誰其起子者視
子爲席珍趨韓亦已工比孟猶欠淳慎勿驚怪
竒怪竒世多擯吾慙遼東豕未見西狩麟汨汨
塵泥間曷辨玉與珉昨來忽有知所索非所循
使焉轉磨衡安得目不眴誠聞苑囿美難遣麋
鹿馴自惟體衰薊寧堪事艱辛宜收蹭蹬迹却
返江湖濱浸脰水活活漫灘石磷磷垂釣紅鬢
登舉袂白羽振以此全吾性胡能往問津非同

子少年柯葉正蓁蓁

齊國大長公主挽詞二首

賢行聞當世尊隆異故常每令夫結友不爲子
求郎夜月初沉海姑星忽隕潢臨門親祖祭悲
吹起脩岡

魯館當年盛秦臺此日遙龍歸終合劔鳳去不
聞簫挽曲方傳薩行輻競莫椒空餘漢官屬泣
送馬如潮

招隱堂寄題樂郎中

日哦招隱詩日誦歸田賦未嘗見芸人勇拋冠
冕去今聞緱山陰身退効速傳一旦從犢車歡
言友田父復來釣澗邊誰問袁公路

貸米於如晦

舉家鳴鵝鴈突冷無晨炊大貧丐小貧安能不
相嗤幸存顏氏帖况有陶公詩乞米與乞食皆
是前人爲

送渭州劉太保

月黑見旄頭芒角漸西向八月邊草黃胡人馬

初壯無奈我兵雄方爲漢偏將嘗聞登壇人亦
未免得喪得爲凱歌還饒鼓喧亭障千蹄使椎
牛百甕令設醯喪乃軍之羞節制由處上進退
從其呼何能求必當二事非已專願思古挾纊
送張推官洞赴宴相公辟

送子居大梁關中乃關外往者邊事繁秦民被
災害今聞獨豐穰逮埃無動藩相公欲動勞請
以臨都會多選天下才佐佑如何賴決疑有全
策何必用著蔡雖病君強行寶刀仍喜帶豈是

為俗儒空言事夸大

送張著作器宰蘄水

予聞楚山竹肉好髮亦勻隴上風雪飽石根莓
苔皴搜林翦橫吹龍子愁水濱作邑尚簡易豈
必蹈昔人願為季長賦安用瑤與珉

和瘦盃

物以美好稱或以醜惡用美惡固無然逢時乃
亦共棄則為所輕用則為所重道聞瘦木器愛
賞互歌頌定應初得之買不論官俸醜面生光
輝貯飲發狂縱坐欲置於傍行欲挈以從其形
何險怪曾不因執種凹凸本自然出縮非鬪縫
薄才難究窮詆訶茲實恐

太廟致齋答韓舍人簡

齋舍隔墻東蕭蕭槐樹風聲顏雖不接翰墨遽
能通未說涼堪飲唯愁賦少工此焉知素拙試
與問楊雄

送張著作孟侯宰上元

天衢車馬跡急若機上梭義雖平生篤不越一

再過夫子累顧我言歸泛長河得邑美建業風
流猶可歌依稀江令宅秋草應更多五題誰復
誅鍾蔣與差我

劉原甫觀相國寺淨土楊惠之塑像吳
道子畫又越僧鼓琴閩僧寫真予解其
詫

吾儕來都下將踰三十春不聞此畫塑想子得
亦新茲寺臨大道常多車馬塵設如前日手晦
昧已惑人曷分今與古曷辯僞與真閩緇圖鳳
姿越釋彈龍唇但知五綵爛徒謂五音淳孰識
商聲高孰驚眸子神不能評譜品索玉翻得珉
二君才調高言若羽翮振將令尋常工千歲傳
不泯

依韻和裴如晦秋懷

老葉已足蠹風振猶在柯高高低低聲切切感
我多不念四散飛尖圓競相磨當茲思再春宛
然同俟河莫驚衡山鴈莫問洞庭波徒聞漢武
帝獨有橫汾歌

送張諷寺丞赴青州幕

朝廷久清明賢相出賢牧賢牧又選賢森森備
官屬是以邦政脩良農播嘉穀上無租賦逋下
有困廩蓄往者河朔饑奔送劇鳧鶩富公鎮青
社有來咸鞠育病者調藥劑起者飼餽粥老稚
四十萬瘦骨生壯肉鄉縣將遣歸田園皆可復
爲之置長犁爲之置黃犢既完身上衣又付橐
中粟庭下再拜辭望城皆感哭他人守一方境
內猶不足至今趙魏間食飲常酹祝富公離山
東寇盜頗任觸堂堂高平公德業人所伏幙府
得才謀螻蟻不勞撲上體憂勤心掃滅得神速
張侯三十餘瑩若無玷玉八字分濃眉純漆點
雙目昨日奉辟書氣貌寧近俗言從必磊落事
果無出縮他時爲書功誰惜千毫禿

送徐秘校廬州監酒

淮南秋物盛稻熟蟹正肥况身爲酒官醇酎飲
不非儻觀衆人醉徒自使世譏與君伯氏好試
以此言歸

梅言 卷三十一 二百十五
韓子華江南安撫

韓侯出持節志在撫黔黎縣官負弩迎刺史躍
馬隨千里宣德澤煦如春風馳寒潮不起浪怙
怙威馮夷借問何致耳試聽將所爲立車呼父
老勞以哀矜詞我從大明宮天子親諭之憂汝
歲屢凶吏不恤汝疲已輸又索糴困橐無子遺
此非陛下意恐使汝輩疑疾苦汝告我不憚爲
汝治父老必喜拜如餒得飼糜我稱此大是一
一無不宜南方二十州歡聲無幼耆壺漿擁大

道婦女闖短籬行聞江漢間復有宣王詩

周仲章通判潤州

昔過京口山斷崖如輦洛抱谷黃芹泥百文聳
垠塢山嶺與江面地脉水可度欲鑿無淺泉孰
云南土薄君爲別乘去便比北州樂已免卑濕
憂仍離鴟鴞惡况逢休明時秋堞罷嚴柝夜愛
寒江潮月臨甘露閣置酒發浩歌萬里波欲卻
霜蟹肥可釣水鱗活堪斫縱飲不須休未應滄
海涸終當笑揚雄窮壁常寂寞更知首陽人薇

蘇事亦錯不若阮步兵醉鞍伸兩脚太守必吾
徒儻能時就酌

弟著作宰南陵

新買紫騮馬欲歸清弋江去彈琴鴈獨來認鳥
鳧雙橐實收盈筐濃醅熟滿缸弟兄相憶否風
燭舊西窗

和江隣幾有菊無酒

種菊將飲酒菊開酒無有雖不負爾目且已負
爾口昨日三四人淡坐饑腹吼徒與哦其傍誰

能置升斗當時陶淵明籬下望亦久幸賴白衣
人不愧采盈手悠然事頗同必竟醉則否

五知堂

代人與任少傅

履道坊中白家宅五橋莊北晉公堂昔年二老
曾相樂今日五知名獨光舉事是非都不問接
花時節暫能忙清尊雅曲易爲厭自有圖書列
在傍

贈陳孝子庸

康州水邊龍母墳草樹蒙蒙起風雨五色五蛇

時往來野鼠不穴墳上土嗟哉異類猶厚親豈
彼人兮忘恃怙果生陳子孝且仁終日劬劬在
民伍天清天順感其和嘉禾駢枝立如股遐鄉
歎慕爲爾隣太守欣言出吾部中州士人傳以
夸照頑爍孽良有補唯時火德君道明粵南祝
融孝所生若然寧獨一陳生築堦表廬從此數
和原甫同鄰幾過相國寺淨土院因觀
楊惠之塑吳道子畫聽越僧琴閩僧寫
宋賈二公真

青槐夾馳道方轡下麒麟謁來游紺宇歷玩同
逡巡吳畫與楊塑在昔稱絕倫深殿留舊迹鮮
逢真賞人一見如宿遇舉袂自拂塵金碧發光
彩物象生精神歲月雖已深奇妙不愧新驚嗟
豈無意振播還有因乃知至精手安得久晦埋
二僧感識別請以已藝陳或彈中散曲或出丞
相真覽古仍獲今未枉停車輪

李端明宅花燭席上賦

百兩禮將陳王家集上賓花光濃照席燭艷暖

迴春已接冰壺潤寧辭翠斝醇自慙持短調重
對玉堂人

送李祠部知滑州

自古重名器未嘗輕授人煌煌東郡守燦燦兩
朱輪父祖繼居此恩榮誰與隣秋風度河水馬
足不生塵

送王正仲長官

汴渠泝復沁自可見遲速來時遲有糧去恨速
無穀有糧安計程無穀不遑宿霜高萬物枯源

水縮溪谷黃流半泥沙勢淺見蹙澳千里東歸
船何日下清瀆澹澹風雨寒長沙喙鴈驚將投
孤戍遙四顧危檣獨強語慰妻奴多虞賴僮僕
到家秫已收綴樹橘始熟折腰無慙陶懷遺焉
媿陸我方羨子行送望不移目

解後木芙蓉

託根地雖卑凌霜花亦茂物稟固不遷人情自
爲陋幸與時菊開誰嗟發孤秀楚人搴木末已
見離騷就

傷驥

駑驥同一輶遲速能幾里當其被問時舉策數
耳耳馳騁心獨存壓抑頭不起空傳八駿名未
遇穆天子

陳丞相燕息園

少仕旣勤勞暮節念君息小車辭漢庭緇衣賦
衛國廣園樹嘉木鳴鳥來野色京水魚可縉東
陂鴈可弋豈不有秦聲酒酣歌在側寧同扶風
人自去北山北

依韻和普上人古琴見贈

獨蠶絲爲絃九竅珥爲軫彈風松颼颼聽水流
泯泯欣者舉袖舞悲者欲涕隕若此輒動人干
時固能準虞舜今在上南薰思無盡

依韻和胡舍人見唁

西垣閣老號文雄辭體能兼兩漢風絳帳舊生
雖授學灞陵歸將已無功校文豈論居三上賦
分由來本下中不恨早朝秋雨急猶陪鴛鷺大
明宮

題三教圓通堂

處中最靈智人與天地參其間有物老曷又推
爲三共以圓通出誠明白包含排楹壓文礎煥
采塗朱藍而將豈吾儒復欲籠彼駟二徒不自
曉恬若均笑談越鳥不巢北代馬不嘶南固亦
辨殊土麟鷲唯時堪

設膾示坐客

汴河西引黃河枝黃流未凍鯉魚肥隨鉤出水
賣都市不惜百金持與歸我家少婦磨寶刀破
鱗奮鬣如欲飛蕭蕭雲葉落盤面粟粟霜葡萄爲
縷衣楚橙作羹香出屋賓朋競至排入扉呼兒
便索沃腥酒倒腸飫腹無相譏逡巡餅竭上馬
去意氣不說西山薇

杜挺之新得和州將出京遺予薪芻豆

魯公馬病不可出陶令言拙徒扣門舉家食粥
焉用怪但願漉酒巾常存長安侏儒勝方朔水
邊漂母王哀孫王孫功名立四極方朔談干
至尊我才不及三二子摧藏自愧趨權闈前時

求叔寄乘粟一秋已免憂朝昏今君益之薪與
菽老馬病骨生精魂昨聞新拜歷陽守王國久
客虱處禪都水借船輕復淺急趨寒汗流渾渾
耳清眼明見野色一聽江鶴醒若噴餘糧滯鈍
不暇惜均於朋契惟義惇設如河涸膠在步縣
邑亦足供雞豚却嗟我甑有時匱莫與太倉黃
鼠論

江鄰幾邀食餽飽學書謾成

老肌瘦腹喜食熱况乃十月霜侵膚與君共貧
君餉我吹壅不學屈大夫前時我膾斫頰鯉滿
坐驚睨卒笑呼誠知舉筋意淺狹一餐豈計有
與無

幽廟

老狐依叢祠妖橫起百怪巢梟助鳴聲穴兔資
狡獪巫給神靈言俗奏飲食拜三年空禱祈萬
疾無愈差臙臊日已熾疑畏誰敢懈近者勇丈
夫發揭窟乃壞始時驚其狂今盡喜其快老茸
毛尚存獨使尾徒大廟貌更一新願以邪爲戒

十月十八日

霜梧葉盡枝影踈井上青絲轉轆轤西廂舞娥
艷如玉東楯貴郎才且都纏頭誰惜萬錢錦映
耳自有明月珠一爲轆轤情不已一爲梧桐心
不枯此心此情日相近卷起飛泉注玉壺

送鄞宰王殿丞

君行問埒鮎殊物可講解一寸明月腹中有小
碧蟹生意各臚臚黔角容夬夬願言寬賦刑越
俗又疲憊

金陵與張十二傳師賞心亭飲

但嗟識君遲不恨春風惡風惡舟未前置酒共
談謔漁歌還浦頭斜日下洲角明朝渡江去相
望便成昨

阻風寄刁安國

江風裂瓦鳴浦口驚浪作君駕何不來客心空
寂寞

阻風秦淮令狐度支寄酒

春風不獨開春木能蹙浪花高似屋江船百尾

泊深灣鐵纜千環繫長軸遠客今朝愁未平主
人贈榼飲還足前時共論酒可禁急世救弊且
勿速我今正得盃中趣効陶種秫置心曲

江上遇雷雨

雷從燕尾來雨到江心急挂帆中路時望浦前
舟入聲喧釜豆裂點疾盞壘立蕩搖魚鼈腥恐
懼兒女泣稍聞人好語出顧岸已及蘆洲有同
行言暗氣吸吸

登瓜步山二首

瓜步山頭廟堂因魏武興亡歸從赤壁事去憶
西陵軍井藏雲杪林根擁石稜微風認江水細
甲幾千層

山上濃雲合江南暴雨來將歸林下嶺中路遇
風雷心速灣猶遠行遲伴屢催舟師添繫纜兒
女望人迴

宛陵先生集卷第三十八

宛陵先生集目錄卷第三十九

韓子華遺冰

宣三館觀瑞蓮

和吳冲卿秋蟲

陌上二女

無悔

弔瑞新和尚

和冲卿新葺南齋
江鄰幾遷居

聞刁景純侍女瘡已

景純期原甫飲

求濟倉書事

和幾道暑夜懷寄

和孫侔鴈蕩

赴景純招作將進酒

薛簡肅夫人挽詞 送淮南孫提刑

詠原甫林檎花 送張寺丞富公辟

送淮南李轉運 重送楊明叔

送董秀才之汝陰 送張子野知渝州

送楊子充知資陽縣

送司馬君實鄆州倅

送陳殿丞知韶州 寄岳州孫屯田

大愚

目錄終

宛陵先生集卷第三十九

宋宛陵梅堯臣聖俞著

韓子華遺冰

六月侍臣方賜冰我賦得之從友朋開盤一見
水玉璞置坐百步無青蠅熱膚收汗起疹粟不
有消渴同茂陵杜子每思赤脚踏韓老嘗苦如
飢烝慙無二公才與學享此足與俗輩矜

二十二日起居退聞宣三館諸公觀瑞

蓮

來朝十二旒將出未央殿微聞嘉蓮開獨許侍
臣見嘉蓮其如何層樓擁霞片玉輦下天泉日
旻不知倦恩魚應亦喜跳沫珠欲濺誰憐與衆
歸博士臣疏賤

依韻吳冲卿秋蟲

梧桐葉未老露滴玉井牀秋蟲如里胥促織何
苦忙萐萐機上絲入夜爲鼠傷織婦中夕起投
梭重徊徨那聞草根聲膏入然肝腸天子固明
聖措意如陶唐下民唯力穡不見田疇荒豈知
哀歛人督責矜健強所以機中女心鬪日月光
年年租稅在聒耳信已常哀哉四海人無不由
此戕吳侯當廳時靜坐愛初涼方將同佳人歡
樂舉盃觴繁鳴雜蟻蟻感愴情不皇况蒙朝家
恩兄弟登俊良意慮宜恤物以慰衆所望今者
秋蟲篇不異七月章

陌上二女

素手牽羃羅柔織明春萸轉眄動桂葉陽語啓
瓠犀阿姊金盛珠阿妹縑籍圭吹香襲行路豈

獨下蔡迷

無悔

婦人未四十容貌已改前男年踰五十嗜慾固
自偏勿以色敵心色衰心易遷勿以愛恃久愛
移久多愆明鏡知惡看何須妬嬋娟

弔瑞新和尚

示化何悲戚俱焚只衲衣已隨原火盡空見野
雲飛寫影誰方丈栽松舊翠微當年渡江鉢弟
子獨將歸

依韻和吳冲卿新葺南齋

移病新秋厭直廬自將僮僕治前除已栽楚客
江邊草不學嚴陵瀨上漁紅穗拂欄何葑粲綠
叢無水亦蕭疎從今有月君須飲况與朋親共
舍居

江鄰幾遷居

聞君遷新居應比舊居好復此假布囊家具何
草草我貧無囊假來僮笑欲倒所笑還往人生
計不足道非用僮僕知雖貧自懷寶

聞刁景純侍女瘥已

前時君家飲不見吹笛姬君言彼娉婷病瘥久
屢治隔日作寒熱經時銷膏脂鑿師尤飲食冷
滑滯在脾次聞有鬼物水火陰以施乃因道士
逐實得鬼所爲手灑桃枝湯足學夏禹馳呵叱
出門牆勿復顧嘔遺今雖病且已皮骨尚尪羸
豈暇理舊曲未能盡蛾眉當期重相見風月臨
前墀

景純以侍兒病期與原甫月圓爲飲

古龍水底鳴素秋江雲不飛江買愁金陵舊族
天祿游家有善笛能娛侯憶侯前年罷姑孰自
買蘄州飽霜竹腮肥頂瘦裁青玉鑽鑿商聲五
音足牛渚磯邊夜泊時平波不起月中吹老魚
跳舞龜出泥雌蛟怨泣雄鼉悲新還中都人罕
知交親奏酒隔簾幃丹脣一發妙響馳醉客欲
見寧非癡昨夜劉郎辭玉卮主人勸謝當勿疑
渠今纏瘥尚苦羸他日海蟾圓未遲圓未遲涼
肝脾畏肝熱生腦脂生脛脂不得窺

宋濟倉書事

神武立四極收兵銷衆豪輸糧來萬國積庾下
千艘貔虎肥於豢麒麟老向槽中州無殍餓南
土竭脂膏黃鼠羣何畏青鳩啄且嚎古梁生菌
耳朽堵出蟻螯樹腹懸蚺蛇絲窠挂鳥毛塵埃
雖自汨朱墨亦能操直宿愁風雨經年弊褐袍
仲尼猶作吏我輩勿爲勞

依韻和磁守王幾道屯田暑夜懷寄

地厚天青冥故交榮謝并何當一壺酒以昔相
與傾君今二千石未往戀山楹山楹夜對月孤
懷豈忘情貴者幾何逝賤者幾何生夏簟且安
寢明星上東城

依韻和孫侔鴈蕩二首

海邊巉絕有蒼山怪怪奇奇物象翻直丈素流
珠噴薄千重紅樹火回環遠尋僧寺宿屏下時
遇野人雲屋間今日京華見君說便思輕舸出
東關

鴈蕩高高路莫通嶺蘆秋翼入雲峰山頭水濶

不見影巖下沙平時有蹤千仞柱天何歛閃萬
工揮筆漫輕濃葛巾蠟屐未能著空羨青蒼重
復重

赴刁景純招作將進酒呈同會

日光如鎔金湧上滄海流一朝復一朝鑄出萬
古愁大鑪石破碎世事安得休明月只照夜時
時如屈鉤常娥與玉兔擣藥何所瘳大患不自
治更被蝦蟆偷我思天地間二物最取尤措置
尚如此細故曷用憂著書欲傳道未必如孔丘

當時及後代見薄彼耽周功名信難立德行徒
自脩勞勞於我生蒂挂同贅疣不如聽隣笛就
其舉盃甌笛不煩教養酒不煩取求從今醉至
春從夏醉至秋勿禁雞狔魚間薦鶉鴈鳩况多
南方物醜醒美咽喉計較無以過試共吮籍謀

薛簡肅夫人挽詞四首

蕭公當貴日小吏引輕軒四德有遺美六親無
異言立孤傳世嗣垂範在閨門澮水終歸樹秋
雲逐去覓

嘗聞求子婿不似怒其公莫以昔人比皆爲當
世雄家聲新慶續國禮舊恩隆必與齊姜墓千
秋蠟樹同

冠劍將朝去常知好直言戒辭猶可託先見久
應存瑩白冰兼玉清芬蕙與蓀堂塗從此閉何
日卜丘原

美合周詩播蒐先岱嶽歸空堂遷舊榻素月照
靈衣珠翠香沉匣丹青影挂幃百年親戚淚併
作露霏霏

送淮南提刑孫學士

淮南木老霜欲飛順令恐縱諸侯威命書纔出
邸掾謁已見衣繡車迎歸樂莫我聽筵莫迓清
如蟾蜍夜吐暉不須久作平反吏自合橫經親
帝闈

八月三日詠原甫庭前林檎花

秋蠹無完葉踈叢有瘁莖偶來庭樹下重看露
葩榮衆自守常理獨開偏見情從今數霜月結
子尚能成

送河陽通判張寺丞從富公辟子諒

張公愛神鶚佩服近玉麟又拭華陰土光彩一
以新百里無惡獸千里無冤人今朝欲何之去
上延平津應當出匣飛騰波決秋旻

送淮南轉運李學士君錫

王都重兵廩命使總八方淮南舟車衝三楚籠
利長惟時有才彥數計等桑羊八月賜詔行朱
旆插大航汴湍入秋漲東鼓下鏜鏜今日發大
梁明朝過睢陽睢陽授經地父老認道傍同業

八十人或貴或爲郎先生歿大官弟子無荷囊
乃知詩書傳要在明三綱隋未聞仲淹來學去
佐唐唐初稱名臣鮮及杜與房親見慕義人專
門起輝光我聞房杜流已顯惟王張雲漢幾萬
里星宇爭耀芒歸來立螭頭莫愛魚稻鄉君錫與王伯庸張端明同在睢陽希文講下

重送楊明叔 并序

行而有以贖者助所不足也車馬子有裘服子
有貨貝子有所可贈者詩言爾故先爲七言以

送將以道彼美而樂乎往也子不爲重邀予以
規又作五言應其請

君將會稽去舊蹟可以嬉子因狀其美贈子臨
路岐子不以爲樂但願有以規噫吾豈無說畏
子未及禪旣求不語子吾曷忍子欺前年子渡
淮夜泊洪澤湄有鬼稱使者來告風波期子時
再拜謝乃被隣船嗤逡巡鬼復至復附船家兒
怒彼慢嗤士明當使驚危船兒傍舷迴走若一
足夔翌日各解舟出浦風動旗子獨乘安流彼
受橫浪吹此事非子傳焉得他人知昨逢令弟
蘊備述果不疑越俗素重鬼慎勿啓其私子口
有仁義子腹有書詩子嘗談王道怪語固未宜
近聞蘇才翁問子辟者誰得非外戚侯子怒已
翌眉今我倘得罪甘與蘇同之

送董傳秀才之汝陰

社燕已歸盡秋鷺猶繞林久爲梁國客不起灞
陵心徒步赴朋館遠遊無橐金注君丈人意莫
入楚鄉深鄰幾常止此行

送張子野屯田知渝州

舊居茗溪上久客咸陽東歸來得虎符馳馬向
巴中歌將聽巴人舞欲教渝童况嘗善秦聲樂
彼渝人風忠州白使君竹枝詞頗工行當繼其
美貢葛勿忽忽

送楊子充愈知資陽縣

家近古臨邛聞多木蘭樹其人襲芳馨乃有相
如賦成名三十年始見列鴛鴦出爲資陽長秋
鬢已點素天子愛黔黎歸與蜀民諭當時同洛
陽過半作丘墓屈指今所存無如君最故唯酒
可餞行不飲車空駐

送司馬學士君實通判鄆州

君家世典史君復續祖爲蘭臺未成書汶陽從
已知將行我何贈一誦溪堂詩聞彼多蒲魚可
助鼎與卮在昔阮嗣宗初赴東平時醉扶乘蹇
驢圖書猶可披今見國門外徒馭不驅馳十里
馬一歇五里車一脂不得同鴈羣相送過寒陂

送陳殿丞知韶州從益

木言
卷三
本二百四十五
韶州使君行請問韶石名傳聞古帝舜石上奏
九成鳳皇爲之下朱鳥不復鳴舊祠亡玉琯四
序安得平至今南方熱臘月裘服輕事外共廢
酒曲江風物清

寄岳州孫屯田

琳

從來洞庭好都在岳陽樓明月一千里寒光三
萬秋年華有時盡風物不知休太守憐予句應
如沈隱侯

大愚

大愚不量能品藻輒已出朝以軻爲同暮以丘
爲四其人豈鷹雀鳩蛤化五日指鹿危二世師
歆造新室雖云詐力尚終日殞斧鑕

宛陵先生集卷第三十九

宛陵先生集目錄卷第四十

寧陵阻風雨

新霜感

過淮

淮陰

杪樞樹

就野人買兔

使風船

淮陰侯廟

又平律一首

入滿浦

許發運見過

登泰山日觀峯

重過瓜步山

發長蘆江口

龍女祠祈順風

西施

金陵三首

丫頭石

漫書

閔冢

雪中發江寧浦

登采石山

効阮步兵

阻風宿大信口

早發大信口

黃池月下共酌

泊昭亭山下

送鹽官劉少府

和酬杜太師

和簽判謝雨過

和正仲重臺梅花

讀重臺梅花詩

和重臺梅花

和答正仲見贈

正仲靈濟觀重臺梅

和文鑑喜予往還

和達觀穎師

題邵氏園居

嘗正仲惠撥醅

和正仲寄酒

春雨

春夜聞雨

早春田行

目錄終

宛陵先生集卷第四十

宋宛陵梅堯臣聖俞著

寧陵阻風雨寄都下親舊

晝夜風不止寒樹噉未休人言雨殺風雨急風
未柔獨扶慈母喪淚與河水流河水有冬竭淚
泉長在眸予生五十二再解官居憂昨者母疾
亟骨肉相聚愁橐中無一錢緩急何可求母當
臨終時囑我貧莫羞隨宜具棺殮厚貸壓人頭
死事定無益生償且無由泣涕聽母言心腸如

刻鉤小子雖不令長養恩曷酬旦夕期速平後
事勿預謀願母強藥食更延百千秋固云莫望
我我鬼已飛遊語畢忽奄逝撫膺呼裂喉未能
一物備迷亂將安投艱窘見風義乃有令朋儔
致賻或錢帛最力李與劉廷老禁省及石渠莫
助日不周裴揚乞銘蓋文篆古復道如晦潭饒
兩大艦朝索暮泛浮哀憐荷君子才德慙未脩
三日違大梁兩宿此遲留聊書同些挽試託楚
人謳

新霜感

前日衣上露今日衣上霜我母鬼何之膏火糜
我腸隔棺三寸地如在萬里鄉嚎呼不聞聲飲
食空置傍昔時憂我寒縫衣紉線長線長必絮
厚要與風霜當又每恐我饑羹臙自調嘗此身
內外間莫得頃刻忘舉衣不忍着舉筯不下吭
一念百感生欲問天蒼蒼

過淮

侍親數數來浮汴護襯迢迢復渡淮旨蓄曾無

御寒具細君唯有隱居欵月銜遠入魚銜浪潮
退長汀蚌閣崖素服華顛色相似青銅不忍見
形骸

淮陰

天下滔滔又厭秦英雄蛇鼠竄荆榛少年豪橫
知多少不及沙頭一婦人

杪欏樹

李邕有碑

杪欏古樹常占歲在昔曾看北海碑今日四方
俱大稔不知榮悴向何枝

就野人買兔

霜濃草白兔初肥蒼鶻調拳獵犬攜剩付錢刀
買庖餽不須緣徑更求蹄

使風船

清淮直上水連天坐看高帆後復前自是乘風
有遲速不由人力愛爭先

淮陰侯廟

韓信未遇時忍饑坐垂釣歸來淮陰市又復逢
惡少使之出胯下一市皆大笑龍蛇忽雲騰蛭

蟻豈能料亡命乃爲將出奇還破趙用兵不患
多所向孰敢標功名塞天地翦刈等蒿藿于今
千百年水上見孤廟鷺銜葭下魚相呼尚嗚叫
高皇四海平有酒不共酌古來稱英雄去就可
以照

又平律一首

漢家天下將廟古像公圭百戰自忘楚一時空
王齊鄉人奏簫鼓舟子賽豚雞不改寒潮水朝
平暮復低

入滿浦

馬頭攬岸斗鷺尾泊船齊風送寒潮急雲藏晚
日低逢人多楚語問客煮吳雞難覓枚臯宅蒼
葭處處迷

許發運待制見過夜話

許公運國儲歲入六百萬上莫究所來下莫有
剥怨十年無纖乏功利潛亦建昨除侍從官聊
爲磨世鈍比於以舌得此豈愧物論較量多少
間未足數劉晏大計苟窘費曷不使預筭欲倍

卽能倍但勿惑謗訕擾民可以奪食官可以竄
要付與權衡一切出果斷嗚呼任智力長短固
有限制財猶制兵太甚則生亂公譬淮陰侯多
多自益辨我今聽其談夜去爲扼腕書之俟采
詩咨訪不可緩

登泰山日觀峰 并序

予泊瓜步山下夢王景彝問韋應物日觀峰詩
予卽誦知語不屬謂景彝曰當爲檢韋集覺而
函閱韋集無此題尚記夢中所誦首句云晨登

日觀峰遂續補之

晨登日觀峰海水黃金鎔浴出車輪光隨天行
無蹤正視刺我目攢集如劔鋒照曜萬物興磨
滅萬物凶草木旣無命必聞石間松當時一避
雨安得大夫封人而苟不遇抱簡誦六龍

重過瓜步山

魏武敗忘歸孤軍處山頂雖憐江上浦鑿巖山
巔井豈是欲勞兵防患在萌穎我昔常登臨徘徊
迴愛晴景片雨西北來風雷變俄頃疾行下危

碇屨脫不及整霑濡入舟中幼子喜抱頸問我
適何之衣濕不太冷昨暮泊其陽月黑夜正求
鴈從沙際鳴旅枕自耿耿平明夾櫓去廟樹聳
寒嶺舉首生白雲飄搖水中影

發長蘆江口

篙師施工相整衣龍女廟中來罕狝野祝擊鼓
降神語老鴉銜肉上樹飛長江無風平似削兩
櫓夾舸行將歸南國山川都不改傷心慈姥舊
時磯

龍女祠祈順風

龍母龍相依風雲隨所變舟人請予往出廟旗
脚轉旗指西南歸飛帆疾流電長蘆江口發平
明白鷺洲前已朝膳竹根盃玦不欺人世間然
諸空當面

西施

濺濺溪流散苒苒石髮開一朝辭浣沙去上姑
蘇臺歌舞學未穩越兵俄已來門上子胥目吳
人豈不哀層宮有麋鹿朱顏爲土灰水邊同時

伴貧賤猶摘梅食梅莫厭酸禍福不我猜

金陵三首

恃險不能久六朝今已亡山形象龍虎宮地牧
牛羊江上鷗無數城中草自長臨流邀月飲莫
挂一毫芒

金陵逢曉雪撩亂逗雲來已失烏衣巷還成白
玉臺山盤猶隱見江轉似昭回一聽高樓笛依
稀認落梅

每入秦淮口風波更不憂重看後庭樹還起舊
時愁故老都無有遺蹤莫可求何人能識意白
鷺在寒洲

丫頭石

此碑也在金陵斷石岡上有吳文帝字焉

丫頭石雖斷文字未全訛年筭赤烏近書疑黃
象多幾時經霹靂異代見干戈更與千秋看松
煤定費摩

漫書

蒲葵兩錢扇漫寫未嫌輕老媪持將去無端色
不平

閔冢 吳天冊中

盜發廣陵冢及扉開石樞中環走徹道高濶可
通車五尺銅鑄人執兵冠服朱壁石刻位號列
侍幽宮隅殿將將軍屬侍郎常侍俱啓棺見其
尸鬢斑顏未渝白壁十雙藉雲母一尺鋪黃金
塞耳鼻千歲不腐枯生爲貴與富死與人未殊
後世逢暴禍雖久將焉如堯舜及周孔豈不固
形軀

雪中發江寧浦至采石

泊舟斫枯葭歎火蕪岸傍冒嶺雲冥濛漫江雪
飛揚拖冰脩網澀出水朱髻殫曠然起遠懷風
旗轉危檣千帆共辭浦攬錯逆水翔落星始前
瞻瞬目已後相魴魚何時來楊花吹茫茫沙草
不可辨鴈立知汀長山頭化石婦忽變素質光
豈復願聞笛莫逢桓野玉

登采石山上廣濟寺

船從山下過直上見僧軒繫纜登磯石綠崖到
寺門短籬遮竹漾危路踏松根却看滄江底帆

歸煙外昏

效阮步兵一日復一日 二首

一日復一日一朝復一昏來新去成故俯仰變
涼溫有貴卽有賤未若賤常存駢牛慕孤犢黃
犬悲東門禍福相爲基損益不復言吾祖入吳
市應龍非伏轅

一日復一日一晨復一夕四序相盛衰三辰運
光魄下上有常理憂患何時易先爛泣金燃先
焚歎薪積但願遠世網焚爛不能責麒麟出非
時未免西狩獲鷗鳥浮洪波心已預海客

阻風宿大信口

東梁如印蠶西梁如游魚二山夾大江早暮潮
吸噓解舟辭姑熟速欲還吾廬風逆未可前泊
浦近煙墟波中事網罟乘月多夜擎冰灘聚鳴
鴈霜葭正踈踈是時昂畢中曠渺天地虛靜坐
人已眠我慮久洗如自起取美酒獨酌邀蟾蜍
蟾蜍射白光入盞亦躊躇醉來不解舞欲攬常
娥祛昔對謫僊人此意復在予旣醒裂尺素立

作數行書寄與青山家精靈其有諸

早發大信口

犬吠知船解村墟尚閉門霜泥粘纜尾冰水閣
潮痕撇撇礪鷓去纖纖舴艋昏梅湖到不遠寄
信向田園

黃池月下共酌得池字

將歸謝公郡喜見阮家兒但對月和水船能酒
似池衰形疑鏡照葆鬢怯霜吹宿鴈不堪託鄉
人知未知

泊昭亭山下得亭字

雲中峯午午潭上樹亭亭又作大梁客貧留小
阮醒難愁江舸澀祠信楚巫靈日暮渡頭立山
歌不可聽

送鹽官劉少府古賢

我祖南昌尉時危棄去僊劉郎從宦日天子治
平年燥茗山中火熬波海上煙吳民不爲盜唯
此撓君權

太師杜相公篇章真草過人遠甚而特

獎後進流于詠言輒依韻和

杜詩嘗說少陵豪祖德兼誇翰墨高蘇李為奴

令侍席鍾王北面使持毫子美祖審言嘗自謂我詩可使蘇李為奴

我書可使郊麟作瑞唯逢趾天馬能行不辨毛

一誦東山零兩句無心更學楚離騷

依韻和僉判都官昭亭謝雨迴廣教見

懷

賽雨何從事高情苦愛山謝公聯句後謝公有昭亭賽

雨與何從惠遠過溪間笑處巖相答歸時酒在

顏端夏守窮巷無力共躋攀

依韻和吳正仲屯田重臺梅花詩

桃花已滿秦人洞杏樹猶存董奉祠莫怪寒梅

獨多葉只緣樂府有新詩

讀吳正仲重臺梅花詩此樹在靈濟王廟

楚梅何多葉縹帶攢瓊瑰常惜歲景盡每先春

風開龍沙雪為友青女霜作媒託根邇廟堂結

子助鼎捺吳侯本吳人筆力高崔嵬但詠同姓

木予非梁棟材

依韻和正仲重臺梅花

芳梅何舊舊素葉吐層層近臘寒猶勁先春氣
已承冷香傳去遠靜艷密還增有意常欺雪無
功合鏤冰早煙籠玉暖凍雨浴脂凝漢女新粧
薄燕姬瘦骨稜壓枝唯恐折簇萼似難勝神物
終來護江鄉未解矜獨竒心豈欲寄遠客何曾
不見黃鸝度寧防粉蝶凌月光臨更好溪水照
偏能畫軸開雲霧宮刀翦綵繒都無筆可銜莫
信巧堪憑丹杏塵多雜夭桃俗所稱故林嘗渴
望大庾更愁登重和陽春曲聲辭猥媿仍

正仲見贈依韻和答

平生好書詩一意在抱槩旣無缺雲劔身世遭
黜黥耻游公相門甘自守恬淡妻孥每寒饑內
愧劇剗惜時賴二三友乞米慰窮慘雖然情懷
惡亦未廢誦覽如負會稽辱欲雪效嘗膽作文
持與人百不得一領聖猶嗜好殊獨取菖蒲歎
我愚希六義將使鬼神感譬彼捕長鯨區區只
持晉青天挂虹霓踴跂不可學太華五千仞妄

學巨靈撼幸且同蛙黽近樂在井坎蒼髮况種
種存非衛髦髡吳侯琅玕姿而來視翫茨鳳皇
五色毛曷羨未翅蝻染夏有正采安用此淺黥
乃知叔度陂萬頃見澄澹孟軻患爲師薄劣亦
何敢

正仲往靈濟廟觀重臺梅

玉盤疊捧溪女歸魚鱗作室待水婣竹間山鬼
入夜啼古廟又閉誰啓扉屈原憔悴江之沂芙
蓉木蘭託興微賈誼未召絳灌擠香草嘉禾徒

菲菲曾無半辭助訶譏國風幸賴相因依

依韻和昭亭山廣教院文鑑大士喜予

往還

山暖春煙重林昏古寺藏溪流過曉漲嶺樹見
新行馬去侵雲蹟風來襲野芳禪衣頻斗藪蠟
屐莫趨踰飛鼠時過擲饑禽或下頰憑欄何所
適望堞正相當捧膳溪童絜啣花鹿女香登臨
無險絕不似畏巖墻

依韻答達觀禪師頴公

霜露每懷感江山空復情老便林室靜坐默巷
童聲盡日都無語逢人亦強迎浮生過半百安
用此虛名

題姑蘇邵氏園居

積水夫差國閒居魯叟心石科雲起潤城角竹
連陰鷺入池塘晚花開島嶼深應當効踈傳不
惜橐中金

嘗正仲所道撥醅

屈原自著漁父篇餽糟不及漁父賢世無功名
多浪死劉伶阮藉于今傳邇來獨酌邀明月唯
有青山李謫僊僊歿後幾百年市樓日沽千
萬錢沉酒豈少當道眠文字不見空月圓吳均
之孫何我憐雙壺貯醅持置前豈乏阮李詩與
真淺飲強對春風妍

依韻和正仲寄酒因戲之

上字黃封誰可識偷傳王氏法應真清淮始變
醅猶薄句水新來味更醇欲擬比酥酥少色曾
持勸客客何人紅梅雖是吾家物老去無心一

梅詩
卷四
醉春

清淮酒本玉九
傳法於山陽

春雨

春雨霽霽鳴百舌
林花淡淡洗燕脂
眼前耳底催人殺
不醉三盃大是癡

春夜聞雨

風味正不寢
驟來寒氣增
簷斜滴野籜
窓缺搖春燈
孺子睡中語
歸人行未能
前溪波暗長
定已沒灘稜

早春田行

風雪雙羊路
梅花溪上村
鳥呼知木暖
雲濕覺山昏
婦子來陂下
囊壺置樹根
予非陶靖節
老去愛田園

宛陵先生集卷第四十

宛陵先生集目錄卷第四十一

和馬都官憶西湖 送志來上人

溫成皇后挽詞 和真上人虎窺泉

種碧映山紅 邵郎中園亭

與正仲遊廣教寺 哭謝公儀學士

和王介甫懷正仲 和季野馬上口占

邵考功遺鱈魚 馬發運求海味

戲呈正仲 春日東齋

吳正仲遺新茶 閒居

和季野見招

和馬都官宿縣齋

吳正仲見訪

昭亭潭上別第

夢後得中道書

送吳季野移蜀靈泉

夜夢蔡紫微

和正仲赤目見寄

雨鷺

夏蟲

秋雨篇

中秋月下懷求叔

寄求叔出守同州

陪馬殿院會疊嶂樓

酒病自責呈馬施二公

寄馬御史

詠懷

荅仲雅上人遺草書并詩

讀吳季野芝草篇

送吳季野

吳季野話撫州潛心閣

詠懷

送毛祕校

鴨脚子

宛陵先生集目錄卷第四十一

宛陵先生集卷第四十一

宋宛陵梅堯臣聖俞著

依韻和馬都官春日憶西湖寄陸生

時望前湖倚玉梯
雲山橫絕路東西
只知遠日窮芳草
不見高人在曲堤
畫榼尋春應醉去
舊朋懷昔欲魂迷
海邊燕子來無數
願託雙飛寄短題

送志來上人往姑蘇謁元曹

折取東橋柳青青
向故人欲知問館處
要識舊

溪春旋灑銅餅水休霑野寺塵吳門逢隱者必
是漢名臣

溫成皇后挽詞

鞏洛園陵啓函關鹵部聞素車迎紫氣靈襪度
青雲歌欲傳長恨人將問少君明年賀元日無
復繡衣薰

和真上人萬松亭虎窺泉

南岡新路平東嶺新亭成嶺上松萬株嶺下泉
一泓松未龍鱗老泉曾虎跡行虎去豈不渴松
今豈不生泉無百尺繩安見甘與清松無百歲
人安見千丈榮道人能喻道莫使世人驚我來
開醉眼不似阮步兵

種碧映山紅於新墳

年年杜鵑啼口滴枝上赤今同萇弘血三歲化
爲碧因移新塚傍顏色照松栢

邵郎中姑蘇園亭

吟愛樂天池上篇買池十畝皆種蓮薄城萬竿
竹嬋娟藤纜繫橋青板船折腰大菱不直錢鵝

鵲鷓鴣沙際眠水從太湖根底穿月出洞庭山
上圓公歸與客相留連秋風鶴唳春杜鵑班鱸
斫膾紅縷鮮紫豉煮蕪香味全我思白傳在三
川吳船雖有吳饌偏當時九老各華顛裴令來
過吟復聯至今怪石存舊鑄七葉樹蔭黃金田
羨公有子勝昔賢高門通車千萬年

與正仲也田遊廣教寺

春灘尚可涉不惜濺衣裾古寺入深樹野泉鳴
暗淥酒杯參茗具山蕨間盤蔬落日還城郭人

方帶月鋤

哭謝公儀學士

道路傳聞日驚嗟尚復疑疾因勤學得命不與
人期賈誼年傷少相如恨見遲向來公輔器看
取李家知

依韻和王介甫兄弟舟次蕪江懷寄吳

正仲

楚客連檣泊晚風吳人江畔醉無窮少陵失意
詩偏老子厚因遷筆更雄貫口信潮千里至平

沙落日一時紅知君兄弟才名大我愧白頭遼
水東

依韻和吳季野馬上口占

溪頭三月草菲菲城畔春游惜醉稀莫惜杜鵑
花上鳥人歸猶道不如歸

邵考功遺鱖魚及魮醬

已見楊花撲撲飛鱖魚江上正鮮肥早知其美
勝羊酪錯把鮑羹定是非

昨於發運馬御史求海味馬已歸闕吳

正仲忽分餉黃魚鱖醬魮子因成短韻
前欲淮南求海味緘書未發報還臺陸機黃耳
何時至嬰品分傳事桮杯

正仲荅云鱖醬乃是毛魚耳走筆戲之

未開候
認其器

折却毛魚一品資吳郎聲屈向吾詩若論鱖子
無從著冤氣衝喉未可知
正仲詩云鱖黃魮子
出蘇臺蘇臺非出魮
也

春日東齋

剥剥禽敲竹薰薰日照花耳中無俗聽眼底有
閒誇逃筭過幽草吹香到別家吾懷方自得切
莫問生涯

吳正仲遺新茶

十片建溪春乾雲碾作塵天王初受貢楚客已
烹新漏泄關山吏悲哀草土臣捧之何敢啜聊
跪北堂親

閒居

讀易忘饑倦東窓盡日開庭花昏自斂野蝶晝
還來謾數過籬筍遙窺隔葉梅唯愁車馬入門
外起塵埃

依韻和李野見招

悲憂如路去無程靖節終朝酒自傾苦苦來招
爲醉伴西山不使伯夷清

依韻馬都官宿縣齋

常愛陶潛遠世緣阮家仍有竹嬾娟夜深風撼
蕭蕭響誰憶北窓人正眠

吳正仲見訪迴日暮必未晚膳因以解

嘲

永日無車馬間坊有竹鄰雨中烏帽至門外綠
苔新不殺雞爲具堪題鳳向人山公識墨在知
我舊來貧

昭亭潭上別弟

從來潭上別先賽故山祠却入舟中飲無令盞
盡遲須拚一日醉便作數年期落日馬嘶急岸
傍人散時

夢後得宋中道書

四月十九日

宵夢宋子語晝得宋子書書意與夢語曾不異
往初昔我遭家難逢子亦在廬我南君大梁千
里非隔踈念處天地中天地猶一車日月爲兩
轂星辰隨徐徐晝夜轉不已載之將焉如冉冉
趨死鄉萬古曾無餘其間乃有夢覺實夢何虛
何虛亦何實及盡皆同墟身世旣若此合離休
歎諸

送吳季野太博移蜀靈泉先至輦

葦箔蠶齊老桑林葉更生楚禽多異響蜀棧未



物久必自化化之猶騫騰當看廁中蛆去作盤
上蠅飛聲既混雞斂迹何疑水寄言漆園吏已
知鷓與鵬

秋雨篇

秋雨一向不解休連昏接晨終窮秋梅生不量
仰天問神官夜夢言語周日月是天之兩目忽
然生翳無藥瘳只知淚滴爲赤子赤子豈悞天
公憂夫公哭霽霽灑涕落九州地祗不敢安泥
潦已沒頭乃因從容告神官后稷今在帝所不
從前后稷知稼穡曾以筋力親田疇曷不告帝
且輟泣九穀正熟容其收蚤時不泣此時泣憂
民欲活反扼喉神官發怒髭奮虬下士小臣安
預謀恐然驚覺汗交流樹上已聽鳴鷓鳩

中秋月下懷永叔

有朋無明月秉燭光強去致有月無樂朋獨酌
顏易醉往年過廣陵公欣來我值期玩秋蟾圓
靜掃庭下地復邀高陽公贖作詩准備特特乃
多連後池風雨至一夜看石屏怛唵無逸氣今

宵皓如畫千里嗟離異固知理難并把酒遙相

寄當時出月石屏同詠

聞永叔出守同州寄之

冕旒高拱元元上左右無非唯唯臣獨以至公
持國法豈將孤直犯龍鱗茱萸欲把人畱楚首
蒼方枯馬入秦訪古尋碑可銷日秋風原上足

麒麟

九日陪京東馬殿院會疊嶂樓

誰言天去遠山上有樓臺峰色引谿色共入茱

萸杯行當登泰山雲掃日月開栢烏與城烏兩
處休鳴哀

酒病自責呈馬施二公

李白死宣城杜甫死未陽二子以酒敗千古畱
文章我無文章畱何可事杯觴况承先子戒宜
不着口嘗昔聞有田實以此相滅亡禮飲不在
多歡飲不在荒二公方逢時安得入醉鄉

宣城馬御史酒闌一夕而西因以寄之

御史嘗畱老馬與予僕

三更醉下陵陽峰平明溪上去無蹤
叉牙鐵鑊謾橫絕濕櫓不驚潭底龍
斷腸吳姬指如筭欲剥玉將何從
短翎水鴨飛不遠那經細雨山
重重却顧舊埒老病馬塵沙歷盡空
龍鍾

詠懷

西方有烏鼠生苑同穴居物理固不測
孰言飛走殊雄雌豈相匹飲啄豈相須
一爲枝上鳴一爲莽下趨苟合而異嚮
世道當何如

荅仲雅上人遺草書并詩

經月不出戶堂上多綠苔忽有方外客
衣披稻畦來來從青山下手把紈素裁
筆草數行字瘦虵起春雷渴墨未散霧
屈角麟欲開裝爲兩大軸置我并瓊瑰
懶瞋長鬚奴挂壁不掃埃智求與懷素
其名久崔嵬師今繼此學入神在徘徊
未料輒以我便比和羹梅我心常苦酸
得姓何可能

讀吳季野芝草篇

阮生存詠懷美彼曜朱堂一榮不復枯
五色異

衆芳衆芳發朝露俄以歛夕陽丹堊起瓦礫又
匪媚棟梁此稟由至和君子要有常

送吳季野

贈言必有規無規固無言強言固無補何異秋
蟲喧君行蜀道難不馱治輕軒母歿未歸土女
長未出門誰能為爲此勞苦游墻藩

吳季野話撫州潛心閣

高閣潛心所圖書曝蠹收青山隨宅轉遠水向
門流迤邐看無馱潺湲聽不休一聞秦洞說便

欲泛漁舟

詠懷

一身頭面間所用蓋有長兩耳主於聰兩目主
於光維鼻主於嗅維舌主於嘗以耳辨黑白以
目分宮商以鼻識酸醎以舌聞嗅香各各及爾
用安得無悲傷此能而兼彼自勞由不量寄言
世上人欣欣蹈其常

東方有野父禳田一豚蹄復操一盂酒祝穀滿
吾棲百金請救兵所欲奢所齎彼何滑稽生仰

天獨矣齊

自余居田里未免病與貧常把神農書每以藥物親處方猶持法義比君使臣但恨無餘資豈及療我鄰筆頭不中書聊可備急人昨日除吏來吾邦爲長民欲溺復然灰敗筆前已陳風驅暴雨來雷聲出雲背若決千仞溪追奔下天鎧堂堂亞夫軍吳楚不足碎旱氣沃原田煩蒸洗闐闐深料生注射聚沫猶壅礙青葱草樹鮮斷歿虹霓在向晚留霽暉芙蓉染新黛

送毛祕校宣城主簿被薦入補令

良驥不必大騰羈已超邁良弓不待寒調弦自勁快宣城古大邑聽訟易聾聵君能抉其塞宰與民共賴自當割雞用不必無鈍敗嘗聞開元時令長多賜戒戒石今尚存世異事不肯以此贈行行無酒勿我怪

鴨脚子

魏帝迷遠圖於吳求闔鴨乃爲吳人料重玩志已匿江南有嘉樹脩聳入天插葉如欄邊跡子

剥杏中甲持之奉漢宮百果不相壓非其復非
酸淡苦衆所狎千里競齋貢何異貴爭噫

宛陵先生集卷第四十二

宛陵先生集目錄卷第四十二

八月十五日夜東軒

送楊辯青州司理 訪懷賢不遇

游隱靜山 路詠

書席語送馬御史 送李南王

代寄鴨脚子 秋日家居

昭亭別施度支 潘歙州話廬山

秋日村行 吳正仲遺蛤蜊

送潘歙州 馬都官遺黃稗

酬惠棋子

懷新安潘侯

自和寄潘歙州

避爲師和荅獻甫

送李逢原

重送李逢原歸蘇州

黃國博遺銀魚乾

三和寄潘歙州

送天台李令

賽昭亭神

和吳正仲冬至

施君挽歌

杜和州寄新醅

和荅正仲罷飲

送王景憲奉職

讀毛祕校新詩

送允從還廬山

和諸公尋重臺梅

再和正仲

三和戲示

嘉雪應祈

四和正仲

雪

宛陵先生集目錄卷第四十二

宛陵先生集卷第四十二

宋宛陵梅堯臣聖俞著

八月十五日夜東軒

隔竹已見月清光度谿來移影上素壁與我相
徘徊是夜正中秋天地霧露開人疑玉兔出藥
杵不生埃嫦娥倚冰輪艷色若自媒它夕豈不
好物意爲之摧

送楊辯青州司理

儒者服褒衣氣志輕王公一落該網中折節長

俯躬山東多豪士片言不可窮青土饒嘉粟無
以人鈍蒙彼知南楚輕強始必弱終矯志合其
情乃是吾徒通行當問友生爲我舉杯空

隱靜山訪懷賢上人不遇

松上垂青蔓蒲根瀉碧泉高僧來不見却返五
峰前

游隱靜山

心在名山久積歲未及遊將過值風雨路不通
馬牛丁壯四五人籃輦時更休轉谷逢烟火下

隰多田疇偃穠黃豎畝刈麻東盈丘姑覺山門
深長松如騰虬直上百餘尺蒼髯葉脩脩五峰
迎人來冷逼臺殿秋石泉出雲中引入舍下流
緣源至崑口崑底魚可鉤天昏碧溪去果熟青
猿偷草樹不盡識自起詩人羞濺濺澗水淺苒
苒菖蒲稠菖蒲花已晚菖蒲茸尚柔靈根采九
節試共野僧求逡巡能致之衰疾無甚憂昔聞
有釋子渡江用杯浮棲心向茲地理骨在林陬
駁陰漏斜光徒欲窮巔幽夜還南陵郭幾落猛

虎喉

路詠

五里十里銷磨盡千蹄萬蹄來往蹤古今不是
不經歷踏破青山重復重

書席語送馬御史

天意漫漫物自供聞香能至是喧蜂野人割蜜
不須盡留與寒脾作御冬

送李南玉

小人貧於資君子貧於時小人富於貨君子富

於辭貧雖同寒饑富不同路岐彼富歿則已此
富名不移丈夫事百變未死安可期明明趨財
利莫卹前人嗤舉家如春蠶仰食不可遲况念
宿債窘何愧賤士爲買臣嘗負薪相如猶滌卮
君思此二人信吾所不欺邇者有趙壹窮憤自
興詩乘驥抱美玉樂與和未知友來鮮逢遇後
世無苦悲

代書寄鴨脚子於都下親友

予指老無力不能苦多書書苟過百字便覺筋

學拘京都多豪英往往處石渠作書未可周寄
聲亦已踈後園有嘉果遠贈當鯉魚中雖聞尺
素加餐意何如

秋日家居

移榻愛晴暉倏然世慮微懸蟲低復上鬪雀墮
還飛相趁入寒竹自收當晚闌無人知靜景蒼
色照人衣

昭亭別施度支

昭亭送客地來往四十年常視松端日每稽潭
上烟風移虎旗脚寒入牛童肩待訪名山去相
期廬阜前

潘歙州話廬山

潘侯話廬山落落尤可伏初云江上來遠見雲
中瀑捨舟到雲外觀瀑已崑麓往往逢平田攢
攢愛深木竹門懸徑微源水陰藤覆坐石浸兩
骹炎膚起芒粟夕陽穿萬峰高下相出縮尋常
杳不分但被烟嵐畜絕頂水底花開謝向淵腹
風力豈能加日氣豈能暎攬之不可得滴瀝空

在掬夜昏投僧寺孤燈望溪曲忽聞清磬音漸
近幽林屋止侯休多談已滿我心目懷游二十
年夢寐今固熟何當借輕舸一往如飛鷺

秋日村行

谿霧晝又收山村夜初晦饑禽來往飛遠樹青
紅碎原上楚牛童屋頭吳婦碓雞肥酒已熟野
老邀同輩

吳正仲遺蛤蜊

紫綠常爲海錯珍吳鄉傳入楚鄉新罇前已奪

蟹螯味當日莼羹枉對人

送潘歙州

潘過宣城而送之

一見新安守便若新安江洞澈物不隔演漾心
所降遠指治所山已入鄰齋窓捧輿登南嶺策
馬懷舊邦養親將爲壽傾甘抱玉缸觀軍將勞
士鬻肥堆羊腔下車談詩書上世擁旄幢勿窺
淵游鱗無吠夜驚猿他日聞課第天下誰能雙
馬都官行之惠黃柑荔枝醋壺

梁霜胡甘熟烘日荔枝美橘柚未爲精葡萄安

可擬郭生始能贊魏文何謬比二果皆世珍乃

遺及賤士而復副醇醪或乞自諸已豈唯享遠

味終得為直矣郭璞贊云厥包橘柚精者唯其魏文帝記云南方龍眼荔枝

比西國葡萄石蜜

前以枰子詩鼎行之既食乃綠橘也頃

年襄陽人遺枰予辨是綠橘今反自笑

之

昔辯荊州候今為越叟迷黃枰與綠橘正似玳

玳圭

新安潘侯將行約游山門寺予以潭淖

遂止因為詩以見懷

蒼山自為門呀豁生鑄鏡路通石壁盡潦起田

穉陷傍嶺有結廬潛潭淨杵鑑聞之固欲往久

雨濕泥濫莫陪太守車然諾豈誑賺遙遙橋上

去望望馬猶站畏滑不肯行非關惜韉鞵

依韻自和送詩寄潘歙州

潘侯擅詩筆五色神授江世家有勳佐舜同

龐降子孫逢太平少小事書窓源流本慷慨吐

論皆經邦量猶函牛鼎吾徒媿罌缸開口必典
實省腹唯空腔作者過我門應笑無戰幢窮老
在弊廬何異守戶狔有心希買交白璧無一雙
避爲師依韻答李獻甫
蛟龍養鬣鬣當在浩浩潯虎豹養文采當在魏
巍岑我無太山高我無滄海深斗水與堆阜恐
未慰此心

送李逢原

彌衡負其才沉沒鸚鵡洲李白負其才飄落滄
江頭後亦多效此才薄空羈囚文章本濟時反
不能自周吾嘗戒吾曹慎勿異爾沅滅倉毀孟
軻桓黜迫聖丘雖云推之天未免皇皇求吾今
重子學無力薦公侯行當思吾言非教子佞柔

重送李逢原歸蘇州

吳客歸從楚霜華着馬蹄倦童持弊橐呼艇過
寒溪寂寞區中飯依稀日午雞張儀猶舌在不
必愧於妻

黃國博遺銀魚乾二百枚

乾若會稽笋色比荊州銀熟宜煨栗火飲助擁
爐人低陰欲飛雪酒微生頰熱海上使方來多
饑不爲餐

三和寄潘歙州

昔固聞陸海今復有潘江文章吞時英光芒瞻
星降爾雅曰降
婁奎婁也如游太室陽仰見玉女窓高才
生大國試政來遠邦道傍一相顧水壺臨瓦缸
逸驥美豐肉老羸慙瘦腔藻詠荅下俚王鈐鏘
寶幢尋言不悟言自笑趨塊狁終知將門豪射

鵬常貫雙

送天台李令庭芝

吾聞天台久未見天台狀去海知幾里去天知
幾丈峰嶺隱與出曲壑背與向雲雷及在下泉
瀑及在上幽深無窮窺杳眇無窮望至險可悸
慄至怪可駭喪石橋彎長弓跨絕絃未放當時
白道猷平步入青嶂去爲六百石亦見志所尚
子欲廣異聞可以一尋訪

十一月十二日賽昭亭神

冷雨凝雪未成雪潭空魚寒歸石穴長篙扣穴
倩鯉魚寄信山頭來莫設魚傳水鳥飛上山山
大槎槎乾吹咽旋灰起角巫鼓鳴漾俎銅盤顛
牲血瑟瑟嘈嘈神降言福汝祐汝無災藥西向
啐飲東向迴溪心却望山崔嵬

依韻和吳正仲冬至

流光冉冉卽衰遲物趣迴還似轉規長景已知
今日至孤懷不比少年時阻陪上閣鴛鸞後且
與南州父老期况有春禾新酒熟百分休放手

中卮

施君挽歌

哀鐸悽悽裏銘旌杳杳中澗雲銷總帳山雨入
蒿宮世路行來久泉途去莫窮素吟應共葬飲
韻在松風

杜和州寄新醅吳正仲云家有海鮮約
予携往就酌逡巡又云幙中有會且罷
此飲

淮南寄我玉醅酒白蜺海月君家有欲持就味

明日期窮美易覆已反手從事開筵不可辭燕
脂秀臉羅前後長頸善謳須賸謳只恐老來歡
意休

依韻答吳正仲罷飲

君辭予家傾蟻醅自有嘉味須持來青篋絡銜
方出戶紅妝侑席已邀杯窮愁一飲猶關分側
望群賢不可陪靜坐紙窓無所得只將文字眼
前推

送王景憲奉職

清羸將家子苦節自寒儒四壁我何有一錢君
亦無下灘船亦急聞鴈日將晡行愛青山口人
烟事網罟

讀毛祕校新詩

毛公明於詩其系宜善續前示五長篇大須傾
幾曲豈特元和間欬唾成珠玉

送允從上人還廬山

山高雲在下諸壑藏半空千重萬重覓正望落
日中不知野僧歸石徑寒易通松間無人掃墮

葉如斷髮獨行逢莫寒衣裂溪上風

依韻諸公尋靈濟重臺梅

梅要山傍水次栽非同荔柳近章臺重重葉葉
花依舊歲歲年年客又來雖愛千枝競繁密還
嗟短髮已衰頽郎官博士畱車騎擁蔽修篁爲
斫開

和正仲再和罷飲

吳味期君強飲開楚醅因我破愁來何言合美
將虛館却憶爭妍就捧杯夜霰已先庭雪集單

衣難與毳裘陪踐盟幾欲驅車去塵事無端日
日堆

和韻三和戲示

琴箏盡蛤瓦缸醅海若淮壖各寄來將學時人
聞牛飲還從上客舞娥杯蓬蒿自有蔣生樂珠
翠寧容鄭氏陪莫計寒暄與風雪古來黃土北

邛堆

鄭康成與盧子幹同事馬副融後
堂有珠翠之會康成不得預焉

喜雪應祈呈權郡通判

臘近冬殘雲未合江南青壠麥休肥誰將太守

隨車雨一夜從風作雪飛

依韻四和正仲

四和還如九醖醅更醇更美未嫌來相逢莫作
兩般眼一飲不辭三百杯嵇阮當時無俗慮山
王雖貴亦能陪如今世態尤堪薄只把官資滿
眼堆

袁招飲鄭云自旦
至暮三百餘杯

雪

朔雲生晚雨臘霰集狂風不數花多出安知天
更工漫階夜已積萬物曉初蒙誰憶新豐酒乘

驢灞水東

